

վէզիրին և տէֆտէրտարին, որպէս և ամենայն ազգ տալին. և ի Դ ամսոյ Եշի (Հօկո.) մտաք առ վէզիրն և հաւանէր ընծալին: Եւ բերեալ էր զպարոնն ծեր Ուլասին ընդ իւր, որ յոյժ հաւատարիմ գտաւ իւրեանց, զոր նախ ինքն եղ անդ և արդ պահանջէր ևս Բժ քսակս, և նա ոչ առնոյր յանձն թէ Ոչ եմ կարող և ոչ է պիտոյ իշխանութիւնդ. և եղ ի բանտս մահապարտաց մինչև էառ, և զօրդին եղ պարոն յՈւլաս և զնա արծակեաց:

Եկն և յաւուրս յայտոսիկ տօնանմայ Սեաւ Ծովին, որ գնացեալ էին ի Մարտի ամսոյ ի վերայ Ազախու, շինեալ անդէն բերդակս ինչ փոքր, և դարձեալ անտի անփորձ, որ էր նաւս Լ: Եւ յեղրս ծովու, ուր որ հանդիպինն՝ ի չէնս, ի գիւղս և յաւանս և յամենայն դաւառս, և ելանեն ի Պալքիսլաւայ կոչեցեալ տեղոյն չէնս վանից քրիստոնէից Յունաց, որ ունին անդ եկեղեցի յանուն Սրբոյն Գէորգեայ բազում միաբանօք, և զօրք նաւուցն եէնկիչարեաց մտեալ ի վանսն և կալեալ զառաջնորդ ուխտին սպանանեն և զկահս եկեղեցոյն և զսպասս աւար հարկանեն և առնեն թաւան աւերմամբ հանդերձ, նա՛ և զկուսանս յօքունս ապականեն և բազում ոճիրս գործեն, որպէս և յամենայն պատահեալ տեղիան, յորոց յերկիւղէ բազումք ելեալ ի լերինս փախստեայք և մոլորական և ի ծերպս վիմաց, ալլք և ի հեռիս թաքստեայք չրջէին՝ մինչև ելին նոքա անտի ամենայն նաւուք և հեռանան ի մէջ ծովու մեղմազոյն հողմով գնացիւք: Յայնժամ վրէժխնդիրն Աստուած առնէր իսկոյն զվրէժ անմեղաց սրբոցն և քակման եկեղեցոյն Գէորգեայ սրբոյն, զի թնդիւն եղեալ յանկարծակի ի ծով և եռացեալ ջուրն իբրև ի վերայ կաթսայի բորբոքելոյ և անդէն առ յիւրեարս բերեալ զնաւսն ուժգին բախմամբ, և մէկմէ-